

Taxistanan ta dirigi carta cu peticion pa Presidente di Parlamento Gerlien Croes

MANEHO di taxi ta algo cu ta regarda gobierno y especificamente Minister di Transporte pero ta parce cu tur esunnan cu a haya un permiso pa maneha un taxi, ta bou di e impresion cu nan por stipula e maneho cu tin cu ser hiba pero na mes momento tambe kier tin algo di bisa di kende t'esunnan cu por haya e chens pa yega na remarca pa un permiso di taxi. Ademas, na momento cu Aruba tin asina hopi cupo di trabou pa yena y un persona lo por haya trabou den cualkier ramo.

Tur cos ta mostra cu no tin union tampoco bou di e gremio di taxi pasobra tin dos grupo di cual uno a caba di manda un carta pa Presidente di Parlamento, Gerlien Croes, pidiendo pa yama un reunion cu e Minister di Transporte pa haya sa su pensamiento riba otorgamento di 50 permiso adicional di taxi.

E carta ta manda door di Union di Taxi ta Nos (UTN) y Centralnan Uni y ta vocifera nan preocupacion caminda nan ta bisa di no ta contra otorgamento di mas permiso di taxi pero prome mester haci un evaluacion pa mira si di berdad mester di mas taxi. O sea pa otorga permiso na un manera responsabel. Pero nan tambe kier p'e grupo di 'hulpchauffeur' t'e prome pa bin na remarca pa un permiso, si no tin un otro entrada adicional.

UTN ta kere cu si mester bin mas taxi, ta na mesa mester sinta y dialoga riba esaki. Den e carta cu UTN a manda pa parlamento ta papia di tur nan preocupacionnan. Nan ta menciona entre otro cu ta kere cu e prome nan pa bin na remarca pa haya un di e 50 permisonan cu kier saca t'e 'hulpchauffeur' cu no tin un entrada adicional. Sinembargo mester señala cu n'e momentonan aki Aruba ta confronta un problema serio riba mercado laboral. Tin asina hopi cupo di trabou habri pa tanto esunnan cu tin diploma como esunnan cu no tin diploma.

Ta simplemente mester tin e deseo di kier traha. E problema ta cu p.e. den sector di turismo, no ta hayando local pa motibo cu mayoria di Rubiano no kier traha ni fin di siman ni anochi pero mester bisa cu trabou tin. E posicion tuma door di esunnan den e sector aki ta haya hopi obstaculo den comunidad. Ta mostra manera e permiso duna na un persona ta bira un negoshi di famia y cu ningun hende di e famia no por haya ningun otro trabou cu no ta core taxi.

Esaki ta loke e resto di comunidad ta haya cu ta inhusto, ya cu t'e mesun circulo ta keda haya e chens.




JOIN US & THRIVE!

TOP 25 HOTEL IN THE WORLD ON TRIPADVISOR
FIRST & ONLY CERTIFIED CARBON NEUTRAL RESORT IN THE CARIBBEAN

OPEN POSITIONS:

- DOORMAN (M/F)
- COOK
- BARTENDER
- LUNCH SERVER
- ROOM ATTENDANT
- MAINTENANCE TECHNICIAN

UNLOCK THESE BENEFITS WITH US:

- Attractive salaries
- Various bonus opportunities
- 5-Day workweek (40 Hours)
- Up to 27 vacation days based on years of service
- Childcare allowance to support working parents
- Wellness program: gym memberships, annual health check-ups, life & health insurances
- Exclusive employee discounts at Tara Eco, Ling & Sons, and Garage Centraal
- Savings & loan program

JOIN OUR AWARD-WINNING TEAM AND TAKE ADVANTAGE OF THESE INCREDIBLE BENEFITS WHILE GROWING A REWARDING CAREER!

 www.bucuti.com/careers

